

Imò si ad acescentiam usque chylus in ventriculo digeratur, meliore forsan jure ad *Δυατεψίαν* refertur.

THES. VI.

Non abs re tamen erit, nec ab instituto hoc meo planè alienum, pro commodiore hujus affectū explicazione de *actione chylificatoria* s.n. se habente, ejusque fiendi modò pauca supponere.

THES. VII.

Quæ ut ritè perficiatur, debita alimentorum, imprimis solidiorum, *præparatio* præcedat necessum est, quam præstat os, dentibus & salivæ fontibus instructum; ratione illorum molæ microcosmīcæ munere fungens adeò necessariō, ut provida natura summi creatoris auspicō animalibus illis, quibus dentes vel ex toto, vel ex parte desunt, singularem ventriculi structuram concesserit, machinæ adeò necessariæ defectum quadruplici culinā, ut in ruminantibus, vel duplii saltē, ut in pennatis granivoris, grana non excorticantibus, compensatura.

THES. VIII.

Nec minoris ponderis est alteratio illa, quam à salivæ, spiculis salinis dissolventibus turgidæ, commiscela expectant ac sustinent assumpta, utpote quæ primam horum liquefactionem ac dissolutionem inchoat, & instar menstrui cuiusdam universalis mirificè ad alimentorum quasvis particulas se habet: adeò, ut per aliquot saltē temporis momentula in ore volutata quoad sapores & odores sensibiliter fatis immutata compareant.

THES. IX.

Deglutitis verò cibis hōc modō per masticationem præparatis, ventriculus munitus suum chylificatorium aggreditur, adjutus imprimis menstruō illō universalī animali, fermenti nomine alias veniente, & salivæ ut ovum

ovo